

Poštovani,

Vežano za vaš upit možemo vam odgovoriti slijedeće:

- U sklopu realizacije aktivnosti nadzora nad tržištem u 2015. godini izvršene su 203 inspekcijske kontrole, u okviru kojih je pregledano ukupno 176 različitih modela proizvoda, od čega je 140 modela (ukupno 69.552 komada) bilo neusklađeno sa propisanim sigurnosnim zahtjevima. Od ukupnog broja neusklađenih komada proizvoda, poslovni subjekti su dobrovoljno ili po nalogu inspekcijskih organa izvršili usklađivanje 52.544 komada proizvoda sa propisanim sigurnosnim zahtjevima. Sa tržišta Bosne i Hercegovine je povučeno i vraćeno od potrošača 17.008 komada proizvoda, jer su predstavljali ozbiljan rizik za zdravlje i sigurnost potrošača. Ovi rizici su se odnosili na slijedeće: rizik od povreda, rizik od strujnog udara i opekotina, rizik od gušenja, kemijski rizik, rizik od požara i rizik od utapanja.
- U okviru nadzora igračaka u 2015. godini ispitano je 14 modela igračaka uzetih s tržišta Bosne i Hercegovine. Od ovog broja laboratorijskim ispitivanjem je utvrđeno da 10 modela igračaka (6030 komada) sadrži nedozvoljenu koncentraciju ftalata i da predstavljaju ozbiljan rizik za zdravlje i sigurnost potrošača te su stoga ove igračke povučene s tržišta BiH.

U pogledu nadzora dječije odjeće, u 2015. godini, na tri dječija odjevna predmeta (430 komada) utvrđeno je da postoje nedozvoljene vrpce i vezice. Poslovni subjekti su izvršili dobrovoljno otklanjanje neusklađenosti na ovim odjevnim predmetnim. U 2014. godini, u okviru nadzora odjeće izvršeno je 37 inspekcijskih kontrola u okviru kojih je kontrolirano 55 modela dječije odjeće. Neusklađenosti su utvrđene na 34 modela dječije odjeće. Poslovni subjekti su otklonili neusklađenosti na 30 modela dječije odjeće (693 komada), dok su 4 modela (112 komada) povučena s tržišta jer nije bilo moguće izvršiti otklanjanje neusklađenosti.

- Svi proizvodi, za koje se tokom provedbe aktivnosti nadzora nad tržištem utvrdi da predstavljaju ozbiljan rizik za zdravlje i sigurnost potrošača, se povlače s tržišta Bosne i Hercegovine. Agencija ne može dati informacije u pogledu sigurnosti proizvoda na tržištu BiH koji nisu bili predmet aktivnosti nadzora.

S poštovanjem,

Agencija za nadzor nad tržištem BiH

Karađorđeva br. 8

71123 I. Sarajevo

Tel: 057 343 503

Fax: 057 353 502

www.annt.gov.ba

msa.info@annt.gov.ba

